

7. Angerlarsimaffimmi timimik aalatitsisarnerit




Misissuinermi angerlarsimaffimmi timimik aalatitsisarneq timi atorlugu suliassanut taamaallaat killiligaavoq. Apeqqutini akiortugassani Kalaallit Nunaanni inersimasut aperineqarput qanoq akulikitsigisumik 'igallutik, nerrivii-aallutik erruillutillu', 'eqqiaasarnersut,' 'atisanik errorsisarnersut' angerlarsimaffimmi suliassanik allanik suli-aqartarnersut'. Immikkoortumi takussutissaqaqaaq inersimasut qanoq akulikitsigisumik timip atoneranut aalatinneranullu attuumassuteqartunik suli-aqartarnersut. Aggvaqatigiissitsillunilu misissuinerit inernerit pingaaruteqartut nalunaarusiami erseqqissaatigineqartarput.

'Igameq, nerrivii-aneq erruinerlu' arnat inersimasut sisamaagaangata taakkunannga pingasunit isumagineqartarput sapaatip-akunneranut tallimariarluni akulikinnerusumilluunniit (72 procentit) angutitut inersimasunut sanilliussigaanni taakkua affaasaa missaat (53 procentit) isumaginnittartut. Arnat 'igallutillu, nerrivii-aallutillu erruisarnerisa' angutitut sanilliullugu akulikinnerunera takuneqarsinnaavoq, angutit 7 procentii nalunaarsimammata 'igameq, nerrivii-aneq erruinerlu' isumaginngisaannarlugu imaluunniit sapaatip-akunneranut ataasiarnerminngaanniit akuttunerusumik isumaginnittarlutik, arnat inersimasut taamatut akisimasut 2 procentiusut.

Misissukkat aggvaqatigiissillugit suaassuseq, ukiut, najugaq, sulerisuuneq aammalu inunngorfik (Kalaallit Nunaanni avataanilu) aallaavigigaanni takusinnaavarput angutit sapaatip-akunneranut pingasoriarlutik akulikinnerusumilluunniit iganissamat, nerrivii-anissamat erruinissamullu ilimanassusiat arnanut sanilliullugit annikinnerujussuusut. Misissueqqissaarnerup aamma ilanngullugu takutippaa 25-34-nik aammalu 35-44-nik ukiullit 15-24-nik ukiulinnut sanilliullutik tamakkuninnga suli-aqartartut. Ilanngullugu takuneqarsinnaavoq inersimasut 'illoqarfinni annerni', inoqarfinnut 700-3000-nik inulinni kiisalu inoqarfinnut 50-699-nik inulinni sapaatip-akunneranut pingasoriarlutik akulikinnerusumilluunniit igasartut, nerrivii-aasartut erruisartut Nuummi najugalinnut sanilliullutik.

Takussutissiaq 41 – Arnat angutillu angerlarsimaffimmini igasartut, nerriviiasartut erruisartullu sapaatip-akunnerata ingerlanerani akuttunerusumilluunniit.




N=1.153

Tamaasa katikkaanni arnat affaasa amerlaqataat nalunaaruteqarsimapput angerlarsimaffimmini 'eqqiaasuusarlutik' sapaatip-akunneranut pingasoriarlutik akulikinnerusumilluunniit (49 procentit). Taama iliortarput angutit pingasuugaangata ataaseq (33 procentit). Tassunga ilanngullugu misissuinerup takutippaa angutit 20 procentii arnallu 9 procentii 'angerlarsimaffimmini eqqiaaneq' ajortut imaluunniit sapaatip-akunneranut ataasiarnerminngaanniit akuttunerusumik eqqiaasartut.

Misissuinerup aamma takutippaa, angutit sapaatip-akunneranut pingasoriarlutik akulikinnerumiluunniit asaanissaanut ilimanassusia arnanut sanilliullugu annikinnerujussuusoq aamma ukiut, najugaqarfiup qanoq ittuunera, sulerisuuneq, sumilu inunngorsimaneq (Kalaallit Nunaanni avataaniluunniit) aallaavigalugit misissoraanni. Misissuinerup aamma takutippaa 25-34-nik ukiullit, 35-44-nik ukiullit aammalu 45-59-inik ukiullit sapaatip-akunneranut pingasoriarlutik akulikinnerusumilluunniit eqqiaanissaat 15-24-nik ukiulinnut sanilliullugit annertunerujussuusoq. Sumi najugaqarneq aallaavigissagaanni taava inersimasut akornanni inoqarfinni 50-699-inik inulinni inersimasut angerlarsimaffimmini sapaatip-akunneranut pingasoriarlutik akulikinnerusumilluunniit eqqiaanissaat inersimasunut 'illoqarfiit pingaarnersaanni' najugaqartunut naleqqiullugu akulikinnerujussuusoq. Inersimasut 'inuussutissarsiummik ilinniagaqarsimasut sivikinnerusumilluunniit ilinniarsimasut' kiisalu inersimasut 'akunnattumik sivisussulimmik ilinniarsimasut ilinniagartuulluunniit' sapaatip-akunneranut pingasoriarlutik akulikinnerusumilluunniit asaanissaat ilimanannginneruvoq inersimasunut 'ilinniagaqarnatik suliffilinnut sanilliullutik'. Misissueqqissaarnerup taamaalilluni takutippaa, Kalaallit Nunaata avataani inunngorsimasut sapaatip-akunneranut pingasoriarlutik akulikinnermilluunniit eqqiaanissaanut ilimanassusia annikinnerujussuusoq Kalaallit Nunaanni inunngorsimasunut naleqqiullugu (tabel 24 kakkiussani).

Takussutissiaq 42 – Arnat angutillu angerlarsimaffiminni sapaatip-akunnerata ingerlanerani akuttunerumilluunniit eqqiaasarnerat.




N=1.153

'Errorsineq' angerlarsimaffimmi suliassat ilagaat arnanit angutitut sanilliullugu isumagineqarnerusartoq. Arnat pingasuugaangata marlungajalluunnaat sapaatip-akunneranut pingasoriarlutik akulikinnerusumilluunniit 'errorsisarput' (63 procentit), angutit pingasuugaangata ataaseq sinnilaarlugu amerlassusillit (36 procentit) errorsisartut. Misissuinerup takutippaattaaq angutit amerlanerujussuit 'errorsinngisaannartut' sapaatilluunniit-akunneranut ataasiarnerminngaanniit akuttunerumik arnanut naleqqiullutik errorsisartut (tassa 24 procentit angutilli 5 procentit).

Misissuinerunikku paasinarsivoq arnat sapaatip-akunneranut pingasoriarlutik akulikinnerusumilluunniit errorsinissamat ilimanassusiat naatsorsuutigineqarsinnaasoq, angutitut sanilliullugu – ukiut, sumi najugaqarneq, sulerisuuneq, sumilu inunngorsimaneq (Kalaallit Nunaanni avataanilu) sanilliuutissagaanni. Misissuinerup aamma takutippaa inersimasut 60-inik ukiullit utoqqaanerilluunniit sapaatip-akunneranut pingasoriarlutik akulikinnerusumilluunniit 'errorsinissaat' 15-24-nik ukiulinnut sanilliullugu appasinnerusoq. Taamatuttaaq inersimasut Kalaallit Nunaata avataani inunngorsimasut sapaatip-akunneranut pingasoriarlutik akulikinnerusumilluunniit asaanissaat inersimasunik Kalaallit Nunaanni inunngorsimasunut sanilliullugu annikinnerujussuusoq paasinarsivoq, misissuinermit uuttuutit pingajuisa misissoreernerisigut (tabel 24 kakkiussani).

Takussutissaq 43 – Inersimasut arnat angutillu sapaatip-akunnerata ingerlanerani akuttunerusumilluunniit errorsisarnerat




N=1.153

'Igasarnerit, nerriviiqaanerit, erruinerillu', 'eqqiaanerit' aammalu 'errorsinerit' angerlarsimaffimmi timi atorlugu suliassaasut arnanit isumagineqarnerusartut, akерlianik misissuinerup takutippaa assersuutigalugu illup aserfallatsaalerneqarnera iluarsartuunna, umiatsiaq aammalu angallataasartut, qimmit isumagineri, pisat salinneri allallu 'nammineq suliassaasut' angutinit isumagineqarnerujussuusartut. Taamaasilluni angutit 35 procentiisa sapaatip-akunneranut pingasoriarlutik akulikinnerusumilluunniit angerlarsimaffimmi timi atorlugu suliassat arnanut sanilliullugit 21 procentimik sularinerusarpaat. Taakkununga ilanngullugit arnat 23 procentiisa angutillu 9 procentiisa isumaginngisaannaraat.

Suliassat assigiinngitsut minnerpaaffilerlugit annerpaaffilerlugillu misissoraanni, taava agguaqatigiinnerisa takutippaat angerlarsimaffimmi assassorluni suliassat angutinit sularineqarnissaat annertunerujussusoq, angutillu sapaatip-akunneranut pingasoriarlutik akulikinnerusumilluunniit arnanut sanilliullutik sularinerusaraat aamma ukiut, sumi najugaqarnerit, sulerisuuneq sumilu inunngorsimaneq (Kalaallit Nunaanni avataanilu) aallaavigissagaanni. Misissuinermit uuttuutit allat allaanerusumik takutitsinngillat (tabel 24 kakkiussani).

Takussutissaq 44 – Arnat angutillu angerlarsimaffiminni suliaqartartut soorlu illup, umiatsiap, angallatit aserfallatsaalerneqarneranik iluarsartuunneranillu kiisalu qimmilerinermik, pisat salinnerannik allanillu nammineerluni aaqqissugassanik.



N=1.153